



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Venerabilis Thomæ A Kempis Can. Reg. S. Augustini. De
Imitatione Christi Libri Quatuor**

Thomas <von Kempen>

Augustæ Vindel., 1772

Caput VIII. De vili æstimatione sui ipsius in oculis Dei.

[urn:nbn:de:hbz:466:1-45780](#)

CAPUT VIII.

De vili æstimatione sui ipsius, in oculis Dei.

I. *Loquar ad Dominum meum, cum sim pulvis, & cinis.* Si me amplius reputavero, ecce tu stas contra me: & dicunt testimonium verum iniquitates meæ, nec possum contradicere.

Si autem me vilificavero, & ad nihilum redegero, & ab omni propria reputatione defecero, atque (sicut sum) pulverizavero, erit mihi propitia gratia tua, & vicina cordi meo lux tua: & omnis æstimatio quantulacumque minima in valle nihilitatis meæ submergetur, & peribit in æternum.

Ibi ostendis me mihi, quid sum, quid fui, & quo deveni: quia nihil sum, & nescivi.

Si mihi ipsi relinquor, ecce nihil, & tota infirmitas: si autem subito me respexeris, statim fortis efficior, & novo repleor gaudio.

Et mirum valde, quod sic reper-
te sublevor, & tam benigne a te
complector, qui proprio pondere
semper ad ima feror.

2. Facit hoc amor tuus, gratis
præveniens me, & in tam multis
subveniens necessitatibus, a gravi-
bus quoque custodiens me periculis,
& ab innumeris (ut vere dicam)
eripiens malis.

Me siquidem male amando, me
perdidi, & te solum quærendo, &
pure amando, me, & te pariter in-
veni, atque ex amore profundius ad
nihilum me redigi.

Quia tu, o dulcissime, facis me-
cum supra meritum omne, & supra
id, quam audeo sperare, vel rogare.

3. Benedictus fit Deus meus;
quia licet ego omnibus bonis sim in-
dignus, tua tamen nobilitas, & in-
finita bonitas nunquam cessat bene-
facere, etiam ingratias, & longe a
te aversis.

Converte nos ad te, ut simus gra-
ti,

ti, humiles, & devoti, quia salus
nostra tu es, virtus, & fortitudo
nostra.

C A P U T IX.

*Quod omnia ad Deum, sicut ad
finem ultimum, sunt referenda.*

1. **F**ili, ego debedo esse finis tuus
supremus, & ultimus, si ve-
re desideras esse beatus.

Ex hac intentione purificabitur af-
fectus tuus, saepius ad seipsum, &
ad creaturas male incurvatus.

Nam si te ipsum in aliquo quaeris,
statim in te deficis, & arescis.

Omnia ergo ad me principaliter
referas, quia ego sum, qui omnia
didi.

Sic singula considera, sicut ex
summo bono manantia: & ideo ad
me tanquam ad suam originem cu-
cta sunt reducenda.

2. Ex me pusillus, & magnus,
pauper, & dives tanquam ex fonte
vivo aquam vivam hauriunt: & qui
mibi